

CARO FIOLO

Caro fiolo,

adesso che a scola xe finia, chissa' che gran fadiga sveiarse ogni mattina e star so ch'el divano, davanti a television in cusina.

Stare senza fare gnente, da mattina a sera butando via così la giornata intera.

Finisea de supiare se te domando cò pazienza de cavare via chei libri da insima la credensa.

Prova a fare do lession, tien ocupà el sarvèò, no sta essere prepotente e zuga on po' co to fradèò.

Tira su tute che e robe che te sèmeni par tera el pare on campo de battaglia e che ghe sia pasà na guera.

Và a far visita a to nona, no soltanto per la mancia, a te ghè solo da fare le scale, no te ghè da andare in Francia.

Tirate su na sciantinèa, tira fora on po' de grinta fa calcossa de speciae no sta voerla sempre vinta.

No sta rider de che altri, no sta dir che i xe sfigai pensa, invece, che in sto mondo i xe stà manco fortunai.

E ricòrdate che el prete, la scola e i genitori i gà cercà de farte crescere, farte avere dei valori.

Forse dèssò xe fadiga de capire tuto questo ma te impararè crescendo ché el to bèn lo gà voèsto.

No stà avere tanta prèssa, cressí ancora na sciantina e te te sveiarè contento sempre più presto ogni mattina.